



PODACI O PROJEKTU

Bosna i Hercegovina Januar 2017. godine

PROGRAM BILATERALNE POMOĆI I IZGRADNJE KAPACITETA CENTRALNIH BANAKA

Zašto je važna uspostava snažnog finansijskog sistema u zemljama u razvoju?

Teorijska i praktična iskustva pokazuju da finansijski razvoj ima pozitivan i trajan utjecaj na rast i da olakšava proces ekonomske stabilizacije. Pored toga, veća stabilnost i integritet finansijskih sistema pomažu unapređenje otpornosti na krize i njihove negativne utjecaje, te doprinose ekonomskom rastu i smanjenju siromaštva. Kapacitet centralnih banaka je od ključnog značaja za makroekonomsku stabilnost i osigurava bolje funkcioniranje domaćeg finansijskog sistema.

CILJEVI I AKTIVNOSTI

Najvažniji cilj Programa bilateralne pomoći i izgradnje kapaciteta centralnih banaka (BCC) je izgradnja lokalnih kapaciteta u centralnim bankama kako bi se osiguralo snažno i neovisno makroekonomsko upravljanje, puno domaće vlasništvo nad programima reformi, te kontinuirani naponi usmjereni na provedbu reformi u finansijskom sektoru.

U svrhu postizanja ovih ciljeva BCC program obuhvata sljedeće aktivnosti: i) tehnička pomoć i izgradnja kapaciteta, ii) primijenjeno istraživanje ključnih monetarnih pitanja putem posjeta i programa mentorstva, iii) konferencije u Švicarskoj i partnerskim zemljama.

- Tehnička pomoć i izgradnja kapaciteta

Glavni cilj ove komponente je jačanje domaćih institucija putem izgradnje tehničkih kapaciteta kako bi se osigurala potpuna i održiva provedba reformskih politika. Naglasak je na sljedećih šest oblasti koje su od presudnog značaja za monetarnu stabilnost, stabilnost finansijskog sektora i finansijsku integraciju: i) analiza i provedba monetarne politike, ii) razvoj finansijskog tržišta, iii) nadzor banaka i regulativa, iv) makroekonomsko računovodstvo i statistika, v) upravljanje operativnim rizicima i planiranje kontinuiteta poslovanja, i vi) upravljanje ljudskim resursima.

• Programi posjeta i mentorstva

Sveobuhvatni cilj ove komponente je provedba istraživanja koja su relevantna za program određene zemlje, a posebno za oblasti finansijske integracije, makroekonomske i finansijske stabilnosti, makro-prudencijalne supervizije i razvoja finansijskog tržišta. Istraživanja će se provoditi putem posjeta Institutu koji provodi Program kao dio programa studijskog boravka koji kombinira tehničku obuku i učešće u istraživačkim projektima ili putem mentorstva stručnjaka iz Instituta koji provodi Program.

- Konferencije u Švicarskoj i partnerskim zemljama

Ova komponenta promovira razmjenu između kolega (peer-to-peer) koji se bave izradom relevantnih politika u partnerskim zemljama, praktičara iz drugih zemalja i regija, te vodećih međunarodnih akademika, kao i širenje informacija o rezultatima istraživanja i aktivnostima tehničke pomoći. Institut organizira jednu godišnju međunarodnu konferenciju u Ženevi. Pored toga, redovno će se organizirati regionalna konferencija u jednoj od partnerskih zemalja.

Regionalna konferencija usmjerena je na pitanja vezana za politike, a koja su bitna za centralne banke u datoj regiji.

UPRAVLJAČKA STRUKTURA

Program provodi Institut za međunarodne i razvojne studije iz Ženeve. Mandat obuhvata utvrđivanje, pripremu, provedbu i nadzor nad programima tehničke pomoći u odabranim zemljama korisnicama. Institut je izradio i održava ekspertnu bazu podataka o akademcima i praktičarima kako bi se moglo odgovoriti na zahtjeve u pogledu tehničke pomoći i izgradnje kapaciteta partnerskih centralnih banaka. BCC programom upravlja Upravni odbor (UO) kojeg čine predstavnici SECO-a i Instituta. Odbor daje strateško usmjerenje za BCC program i nadgleda/prati provedbu programskih aktivnosti. SECO osigurava da su aktivnosti koordinirane i usklađene sa aktivnostima drugih zainteresiranih strana iz Švicarske, posebno Švicarske narodne banke.

KAKO SE UKLJUČITI

Program je usmjeren na SECO prioritetne zemlje. Trenutno, centralne banke Albanije, Azerbejdžana, Bosne i Hercegovine, Kolumbije, Gane, Perua, Tunisa i Vijetnama učestvuju u programu. Utvrđivanje programa za zemlje se odvija u koordinaciji između zainteresiranih centralnih banaka, lokalnih SECO ureda i SECO sjedišta.

ZEMLJA/ REGIJA: Globalni nivo / prioritetne zemlje Švicarskog državnog sekretarijata za ekonomske poslove (SECO)
PARTNER ZA PROVEDBU: Institut za međunarodne i razvojne studije (Graduate Institute of International and Development Studies), Ženeva
TRAJANJE PROJEKTA: 2012. – 2017. godine
UKUPNI BUDŽET: 10.860.000,00 CHF

DODATNE INFORMACIJE I KONTAKT PODACI

State Secretariat for Economic Affairs SECO
Holzikofenweg 36
CH-3003 Bern
Tel. +41 58 462 56 56
Fax +41 58 462 27 49
www.seco.admin.ch

BCC koordinator u Državnom sekretarijatu za ekonomske poslove (SECO): Tel.: +41 58 464 07 94, Email: wemu.sekretariat@seco.admin.ch

Ambasada Švicarske u Bosni i Hercegovini
Zmaja od Bosne 11, Zgrada RBBH, objekat B
BiH-71000 Sarajevo
Tel. +387 33 27 58 50, +387 33 25 40 30
Fax +387 33 57 01 20
E-Mail: sar.vertretung@eda.admin.ch
www.eda.admin.ch/bosnia-and-herzegovina